



全集目錄

卷之十二

附

雜紀

三學士祭文

部頒丁祀文

賜匾告祠墓文二

金華義烏郡邑誌

鎮江丹徒郡邑誌

移取守墓文案

清復公墓文案三

附寺僧盜佃契



清肅公祠文案二

清復祠祀文案二

承襲奉祀文案

賜匾謝恩呈

祠墓享堂圖紀三

宋宗忠簡公全集卷之十二

二十一世孫 文燦 敬修

雜紀

三學士祭文

宋興九葉宗社阡危凡百在位莫克扶持堂堂我公
百世之師提忠仗義力欲振之出守滏陽敵徒猖狂
義旅烏合親當戎行百戰不殆羸老莫傷平原常山
千載相望廊廟乏謀肉食者鄙墮敵計中需求愈侈
賂以玉輿質我介弟公獨沈幾抗留以死相如程嬰

智勇是以帝后播遷神器逆旅盜臣睨之變亂無所
公獨奮然以屬我主博陸阿衡今實準古迺攜偏師
以抗雄敵氣吞遐方頓為褫魄兩河景從天聲有赫
詔速公歸邊畝動色天子有命尹帝之京未幾下車
路殷懽聲市價無二枹鼓不鳴二尹三王異世並名
一司留事國勢鼎寧事上逮下一以至誠奸惡不貸
賢善必旌人無流品用惟其能山公啓事容或未精
金湯作固衆人所先神祖七閩迺克僅全以飾其壞
曾不半年翬飛繩直有光於前周公營周豈亦云然

必死之寇野心莫測屯備無虞孰如昔力守河之瀕
野無馬跡考其情言畏威服德羣狙披猖阻兵嘯聚
哮噬無前民莫旅拒豈無朝命曾不知顧公一呼之
聽命如女趙喜復生敢此乖忤國體從民抗疏請還
天語諄復不移如山分遣諸將開心吐誠喻以大義
罔敢偷生語及二聖號呼拊膺願身督戰以濟中興
屬續之際猶未忘情世謂金石浸爍不侵公之忠誠
逾石與金讒人何辜訛議日尋皇天后土實鑒此心
嗚呼哀哉人之無祿喪我元老天為雨泣賈汝中道

稚子庸夫罷市相弔悍將驕卒投兵痛悼某等受恩甚渥大庇久依天子誰忍棄子如遺九原可作繫誰與歸興言及此涕血交頤觴豆甚薄公其享之嗚呼哀哉尚饗

部頒丁祀文

江南鎮江府知府某等敢昭告於

宋東京留守贈開府儀同三司謚忠簡宗公之靈曰維公忠義之心經濟之畧生逢國難力捍強兵盡瘁鞠躬死而後已人亡代改事往名存體魄收藏流風

未泯建祠秩祀職在有司茲值仲春式修薦事謹以

牲帛醴醢粢盛庶品用申告祀尚祈靈爽慰我瞻思尚饗

御賜匾額祭祠文

十九世孫一華鳳鳴率奉祀孫文燦暨闔族裔孫敢告於

宋始遷祖東京留守贈觀文殿學士通議大夫開府儀同三司謚忠簡公之神位前曰維

公挺生烏邑肇籍朱方磁留帝胄獨力勤王守鑰東京見嫉汪黃保釐神州百戰戎行智拔岳侯同扶社

稷篤性愛君廿䟽請蹕義旗所指豪傑響集素志未
伸憂憤成疾三呼渡河鞠躬盡瘁危身止直國謚具
備春秋報祀附

孔庭配藏玉峴山歷六百歲 公靈在天神所來徃起
頑立懦不泯泉壤邀我

聖明

宸章崇獎默佐

熙朝萬國永康福庇後人敢替孝將祗奉
御書敬告靈爽赫赫我 公來格來嘗尚饗

賜匾告墓文

猗歟我 公業在天壤微特有宋之勲績垂簡編實
為萬世之則所以祠廟附賢宮而並立祀典以春秋
而常昭也我子孫永懷久矣

聖天子尤加隆焉於巡行方岳之時訪古賢名臣之跡
謂我 公節義堪憲

賜匾額忠蓋永昭豈非千載一時而萬世不替者哉
孫等恭逢

殊典不禁懼忭之俱興敬沐

龍文彌覺孝思之無已爰諏吉日秋季中辛旨者奠祠

今復告墓是 公靈因

寵錫而益著歲祀以

宸翰而愈光也牲醴潔陳靈其歆鑒尚饗

金華義烏郡邑志

宋宗忠簡公傳 詳載宋史茲不復錄

忠簡里 崇禎戊寅年為宗澤立

宗堂 在縣治二都宗忠簡公故里

金麟坊 在縣東為宗澤立

金麟山 在縣東北六十里舊傳宗澤生有金麟現

於此故名

麒麟塘 在縣北十五里三都相傳宗忠簡公將生

時有麒麟現此塘

三賢祠 在府學祀宗澤梅執禮潘良貴皆宋臣

宋宗忠簡公澤祠 在府治八詠門外正德十二年

奉禮部勘合建隆慶壬申知府鄭一信改建清波

門內合祀明王忠文公禕名二忠祠萬曆二年奉

巡按御史蕭廩明文增入贈太常少卿陸公震合

祀更名三忠祠

忠孝堂 在縣學戟門之東三步舊在文廟西廡宋

隆興二年知縣晏節創建祀孝子顏君忠簡宗公

黃中輔為之記永樂九年教諭胡春同建議以忠

孝有關風化祠不可廢邑人胡彥清捐貲徙建於

戟門之右復廢正統四年縣丞劉傑奏 准九年

知縣劉同重建今以遷學廢

宗忠簡公祠 在縣治滿心寺內元時建祀宋觀文

殿學士宗公澤邑人黃潛記吳芾哭詩正統八年

知縣劉同重建正德間徙寺為學宮祠廢隆慶辛

未御史謝廷傑檄有司各舉先哲之祠知縣歐陽

栢奉府議於縣治五里許二都宗堂家祠加麗以

祀俾其子孫世守縣丞蕭萬天董其事邑人朱湘

為之記金谿吳伯宗為像贊

忠賢祠 在縣治後祀宋宗忠簡公澤徐文清公僑
元黃文獻公潛明王忠文公禕舊名曰四賢祠嘉
靖間知縣梅凌雲建萬曆癸酉知縣梅淳申請合
龔忠愍公泰於四賢祠易扁曰忠賢梅淳為之記
萬曆二十四年知縣周士英以祭銀餉未設成額
徃徃移借猪羊應用於禮為褻乃牒學會議將歲
編祭銀內另裁出六兩以供二祭每祭用帛五豕
一羊一菹醢菓食各五春秋仲丁日專祭先期省

牲令禮生陳設俱用瓦噐式如文廟製造次早合
縣官吉服行禮祭畢頌酢

宗忠簡公澤墓 在鎮江之京峴山歲久湮蕪郡人
劉伯靜為鎮江府守治理其墓如舊廬陵楊士奇
為之記

宋宗澤文集五十卷多散軼無考今僅存有回鑿二
十四疏詩文數十首及言行錄於民間

鎮江丹徒郡邑志

宋宗忠簡公傳

詳載宋史茲不復錄

東京留守宗公澤第

在製錦坊西前軍寨

觀文殿學士宗公澤墓

在縣東北烏龜灣澤義烏

人宋宣和間以言事謫居潤夫人死藁葬於此後

澤尹開封卒賜合葬焉顯謨學士曾懋銘郡守吏

部侍郎俞烈建享堂明郡守劉辰為復墓田詳見

潤州先賢錄

雲臺寺

舊在青陽門外烏龜灣之西宋紹興間岳

武穆建宗忠簡公功德院也明洪武間郡守劉辰復立祠清復墓田學士王景記寺今廢忠簡祠更立普照寺焉

普照寺

在郡城壽丘山巔宋高祖故宅也正德辛

未監察御史謝琛囑推官史魯分寺後隙地建宗

忠簡公祠

壽丘山

今改聖像山

在郡東南宋武帝微時宅基也

帝既即位築丹徒宮後建慈和普照雲臺諸寺有

宗忠簡公祠又為四賢祠南麓有龍華寺即其址

建丹徒縣儒學

宗忠簡公祠

在龍華寺即公之書院為祠宋紹興

中建後寺改名普照亦以祀焉正德辛未勅建壽

丘山萬曆丙申郡守王應麟以文正范公信國文

公丞相陸公舊祠在陽彭山娘娘廟旁處非其所

移於宗公祠內合祀更名曰四賢祠

勅建宗忠簡公祠

在壽丘山祀宋觀文殿學士宗

公澤正德六年奉勅建春秋有司致祭大學士靳

貴為之記

四賢祠 在壽丘山明正德中勅建宗忠簡公祠於此山萬曆間以文正范公信國文公丞相陸公合祀蓋范公少隨母讀書寓龍華寺宗公祠其舊址也文公使元脫難於京口陸公亦居是郡故移祀於壽丘山宗公祠

重建宗忠簡公祠 在縣儒學尊經閣後正德間勅建在壽丘山靳貴記春秋有司致祭崇禎乙亥知縣張文光移建 皇清康熙癸亥因有奸民占居其中知縣鮑天鍾屏逐勒石嚴禁

新官到任

洪武禮制致祭各先賢祠祀品

祝版 帛一端 猪一口 黍 稷 稻 梁

鳧魚 醢肉 鹽 栗 棗 芹菹 韭菹

酒一罇 惟宗忠簡公祠加羊一羖 兔一隻

桃 菱 白菓 麵食凡六品

宗忠簡公祠 春秋二祭每祭編銀叁兩叁錢五分

四厘俱丹徒縣辦

帛壹端 栢香壹炷 牙香捌兩 末香壹斤

燭壹觔 猪壹口 壹百壹拾觔 羊壹隻 叁拾觔

兔壹隻 金花餅念四個 黍稷稻粱各貳升

棗栗桃菱白菓各貳觔 鹽貳觔 醢醢肉貳觔

醢魚貳觔 青芹韭菹五觔 庭燎柴 酒壹罈

祝版 萬曆二十四年知府王應麟改正

部頒春秋二祭祝文 見前茲不復錄

表忠坊 在壽丘山麓宗忠簡公祠東 基址為奸民方天壁占

復開府儀同三司宗忠簡公墓田碑 知府劉辰復

立學士王景記

勅建宗忠簡公祠記 係殘碑在忠簡祠壁正德中

巡按謝琛奏祠於壽丘山北大學士靳貴記

宗忠簡公享堂 在忠簡公墓道宋郡守俞烈建額

曰忠武尋廢 皇清康熙乙卯年裔孫芳瑛重建

元豫記

宗家巷 在中市街真字橋東

宗莊 在丹徒鄉崇賢里

金華劉辰守鎮江灑辦有聲境內閘堰廢壞者悉賴

修復宗忠簡公墓蕪穢不治墓田為龍華寺僧所

侵皆為之復其故勒石紀事

移取守墓文案

巡按江南監察御史張

呈詳江南巡撫都御史為

崇奉先賢光昭祀典以勵世風事本職巡歷至鎮江府據知府劉辰呈詳宋名臣東京留守宗忠簡公諱澤者世家金華義烏因言事坐謫潤州遂家於丹徒後以郊恩叙復監潤酒務夫人陳氏歿藁葬於京峴山公尹開封卒賜子穎扶柩合葬顯謨閣學士曾懋為之銘教授方符裒其文集藏於學宮則公之魂魄固安於是矣雖春秋秩載祀典亦不為過自宋岳武

穆建功德院於佛廬郡守俞烈建享堂於墓道部使者喬行簡築僧廬於墓左剏祠堂於學宮總餉岳珂太守趙善湘移文於朝貽書於家命公曾孫有德主丞嘗樓昉刻公遺文則知當時曾有公子孫著名隸籍於茲矣自宋元至我朝因亂轉徙亦無一人為守祀事懼無以奉先賢而光祀典謹按范文正公讀書於潤為宋名相生於蘇而塋於洛今二處皆致享祀岳武穆知遇於公為宋名將生於相而塋於杭今二處皆極崇奉秩載祀典竊謂宗公之於鎮江地異理

同今知府劉辰修理墓祠清復田地山灘凡一百四十三畝勒石紀事請移取子孫重至展省以致景行之私應詳請憲文移查取宗忠簡公子孫一人守墓歸復原田山地故物世守祀事云

云

江南巡撫都御史

議曰忠簡宗公生於有宋血

誠赤心功在社稷乃若鎮江存既寓其精神歿復藏其體魄實與故里相類而有墓無守有祠無祀於崇敬先賢之意誠為未稱合移咨浙江巡撫提學道分巡副使行府查取宗忠簡公的派子孫供費縣食前

來守墓著存孝思 云云

浙江巡撫都御史督學副使分巡副使行金華府義
烏縣查取宗忠簡公的派子孫供費縣食前往鎮江
守祀事洪武三十五年壬午金華府義烏縣知縣吳
祐起送忠簡公八世嫡孫庠生漢中前赴鎮江府丹
徒縣守公墓祠祀事

清佔墓山文案

鎮江府經歷為斬盜慰忠事蒙 本府正堂塗 信

票發宋宗忠簡公後裔宗德控告程三九佔墓盜伐
忠簡公墓木一案仰行踏勘丈量等因蒙此遵依隨
經傳喚弓簞齊集兩造單騎親登山界丈量勘得宗
忠簡公之墓居下程德之墓居上其坐之向道雖有
少差而實無迥異查山數同墓地一歷而數之宗公
之墓五百餘年程德之墓二百餘載較之孰是孰非
不問可知矣但所深恨者龍華寺僧也見宗氏無人

管攝盜佃程家因而埋葬然相沿已久非程三九今日之所為也但蔭木罄斫一空只留得忠簡公墓前古松數株週圍伐盡據律無推無論宗程二姓數百年之蔭木一但伐之良心盡喪不可不直窮到底地虎何姓貧族何人務得真實擬以重典則生順死安矣其山著落或宗或程與否出自 憲裁 卑職 未敢擅便為此備由具申

順治三年四月 二十三 日經歷楊啟瑞呈

附呈丈勘墓山基址

東口 壹百叁拾肆弓壹尺

西口 壹百肆拾弓

南口 捌拾肆弓

北口 貳百壹拾叁弓

東西廣 壹百壹拾陸弓壹尺

南北廣 壹百壹拾肆弓壹尺

計丈勘山伍拾叁畝貳分捌釐壹毫

惜艾山對峙卷油濱合陞巖壹臺

南北黃 壹百壹拾肆石壹尺

東西黃 壹百壹拾肆石壹尺

北口 壹百壹拾肆石

南口 壹百壹拾肆石

西口 壹百壹拾肆石

東口 壹百壹拾肆石

順治三年七月初六日

特簡府主塗公諱廓 為斬盜慰忠事斷案一

審得宗德乃先賢忠簡公之後裔也公墓葬於京峴山枝計山六十畝零碑誌可稽迨至明朝洪武年間劉太守清理公墓栽培蔭樹著令龍華寺僧看守奉侍香火嗣至永樂年間寺僧窺宗氏無人擅將山地盜佃與程夢熊之祖程德遂將三塚塋於公墓之上相沿至今近被程族子孫強伐在山蔭木殆盡嗟嗟宗公雖逝而忠魂義魄猶自昭昭何物武弁敢於欺

賢滅制以至此哉姑念事久人更難以根究斷令除
程德所墾三塚外其餘山地盡歸宗氏編入會計召
佃看守採取柴薪除辦糧外其餘租利送入宗祠以
為祭祀之儀庶葛籐可斷而兩造永無言矣斷追龍
華寺僧盜佃山契存庫取庫收附卷

附錄

龍華寺僧盜佃文約

直隸鎮江府丹徒縣龍華寺乘載庵今立撥佃文
書一紙先有前代住持及知事僧善安等於永樂

十三年十一月內為因本寺裝刊佛像欠缺工資
將寺內宗忠簡公祠香火墳山六十畝零內將四
十八畝及草灘十二畝五分地十四畝三分田四
十八畝三分臨山脚下入官民田七畝三分坐落
本縣大一都京峴山枝出佃與鎮江衛程名下採
租為業在上禾苗樹木本寺自行栽種當日三面
言定佃得寶鈔六百七十貫本寺常住公用寫立
文書一紙兩相交付明白後於永樂二十年三月
本寺因欠錢糧善安免到陳子華作中復借本衛

新鈔一百五十貫歸寺辦納永樂十九年秋糧宣
德二年七月善安等仍免陳子華借到本衛小麥
五十石辦納本寺夏糧完補了訖於景泰五年山
主查刷前項田地朦朧具告 巡按老爺案下問
理前山田地給寺二次借鈔並原佃文約收在官
處至景泰六年因前原價不魯清結互相訐告本
寺無力不魯付還今要取贖仍前無力今憑華景
輝等議得田地糧稅本衛自行採取借鈔並不起
利所有在上租糧本寺辦納日後爭競聽本衛執

此文書赴 官呈告情愿甘罰恐後無憑立此撥
佃文書存照

天順七年八月 二十二 日立

天順十四年九月十八日

縣主張公諱晉

為忠魂不泯事斷案二

順治十四年九月十八日

審得宗廷章祖墳五百餘載程大娘祖墓二百餘年

考其先後揆其情理不待訊而是非明矣前經

本府塗委勘已的審斷已明除程大娘舊塋三塚外

其餘山地盡歸宗氏編入會計召佃看守如山之案

炳然可據今大娘罔遵前斷將伊父柩竟葬於忠

簡公墓之上強梁欺弱刁蠹無法咎難追也既經親

隣公懇解議責令大娘將伊父棺另行遷葬外合應

忠正堂世身 卷十二
罰穀四石備賑示懲

又當堂批呈 照 前府斷案永不許越占着原
差速押起

又批呈 該房查照斷案立催押起

防廳署府事陶公諱鼎鉉 批程大娘告寬限呈

有礙 先賢不得以運推也

又硃批程大興遵依呈

准照擇日起如過期拿究

清肅公祠文案一

丹徒縣為懇恩逐佔以妥忠靈以昭祠祭事據

宋宗忠簡公後裔宗正陽宗廷綸奉祀生員宗文燦
宗子上等公呈前事詞稱身祖忠簡公諱澤故宋名

臣事載青史勅葬京峴山建祠龍華寺寺固忠簡公

書院也明正德間奉勅祠於壽丘山巔崇禎九年夢
感邑侯張公文光率身族措備工料移建於今邑學

聖殿之左請襲祠生奉祀香火春秋兩祭依然如故近
有棍惡吳國禎彭虎文喬季昭等妄認官房佔住在

內拆毀墻垣穢褻先賢向理不服以屢朝隆重之名賢反踐踏於不法無良之輩非奉天威漸且攘為已有雖子孫孱弱可欺抑亦幽滅先世忠賢明負

國朝盛典伏乞金批嚴逐庶祀典克光先忠冥感等情據此隨經批令既係先賢公祠吳國禎等何得佔住著該地保查明驅逐限三日內回覆去後續據坊長嚴福田呈為遵查回覆事詞蒙天金批原呈人宗正陽等呈稟吳國禎等佔住宗忠簡公祠內蒙批著身查明驅逐限三日內回覆等語查得宗公祠原建壽

丘山上係前任縣主張率宗氏子孫移建縣學

聖殿之左春秋典祀不替近有吳國禎等佔住蒙批查得吳國禎遵法搬讓但彭虎文係本學門斗喬季昭亦係本學贊禮仍住祠內今奉行查理合回覆又據宗正陽等公呈為頂謝洪慈叩天終始全恩事身祖忠簡公祠建丹徒學內不法門斗彭虎文禮生喬季昭踞佔在內男女雜踏汙穢瀆褻拆毀墻垣具控天案蒙批著該地保驅逐限三日內回覆又蒙批喬季昭呈既係宗氏家祠自應向宗姓說明方可借住本

縣不便批奪又蒙批坊長田呈著你驅逐何得空回
又蒙差汪兆拘審蒙批頂謝天恩萬代啣結但惡等
一係學蠹一恃禮生日無天法抗不搬讓欺天瀆神
事干不法非奉天威終無清肅本祠雖隸學宮係有
子孫之祠屢奉 當道前賢清肅子孫世守香火批
照切據非若周范米韓諸祠無人世守可比且學中
興舉大工獨本祠不在學工之內寸木片瓦皆身等
後裔自行修葺歷案可據佔居祠宇 律有明條伏
乞嚴審立案子孫世守香火庶先忠祠宇不致日久

復侵而天恩永垂不朽等情到縣據此一面查逐嗣
續蒙 憲臺批發宗正陽等公呈亦為前事蒙批仰
縣查報蒙此遵依隨經差役汪兆行拘各犯審理間
又蒙 憲臺信票為因公被逐欺辱難甘控明移居
恩免効勞事內開據丹徒縣儒學申據本學引贊禮
生喬旭秀呈詞前事備蒙仰將 本府批發宗正陽
宗文燦控告吳國禎等一案懇恩逐佔等事原詞具
文申 府查銷等因蒙此查得宋忠簡公宗 諱澤者
係先代名臣其祠建立縣學壽丘山春秋兩祭歷有

年矣嗣因祠宇頽敗俱係其後裔宗姓子孫自行捐
貲移建自明迄今卷案可查祇容宗姓後裔居住奉
祀香火不許他人佔住自順治年間即歷奉有前任
道府各憲批呈可據豈日久禁弛遂有棍徒吳國
禎等妄認官房佔住拆毀汙穢以致宗姓後裔宗正
陽等具呈求逐到縣卑職恐差役滋擾隨批令該地
方驅逐嗣據該地方回稱吳國禎違法搬讓尚有彭
虎文係本學門斗喬季昭係本學贊禮仍行佔住回
覆到案卑職以先賢宗祠且既經卑職批逐豈容

抗違仍佔又批著逐而門斗贊禮倚恃儒學抗不遵
讓致宗正陽等具控 憲案蒙批查報使彭虎文即
彭韜喬季昭即喬旭秀果係應住亦應遵 憲批赴
縣辯理乃目中不但無卑縣且藐玩 憲法竟聳儒
學混申 憲案朦請註銷據喬旭秀係贊禮之生應
居祠內則徒邑贊禮多人將盡覓官房著住何止應
喬旭秀獨住官房據稱彭韜係門斗應居祠內則儒
學門斗亦不止彭韜一人為門斗者皆應住官房而
凡為衙役者將盡覓官房居住矣喬旭秀彭韜以卑

職驅逐竟聳儒學混申意欲仍行佔住是門斗贊禮
顯欲抗拒卑職而因以佔先賢之宗祠並逐先
賢之子孫也卑職忝為縣官致令門斗贊禮顯為抗
拒則自此以後尚敢復行一事復發一言乎今蒙
憲檄掣銷敢不仰遵即行申送惟乞憲臺追重
先賢電查宗祠始末合令容卑職立著喬旭秀彭韜
將從前拆毀牆垣盡行修葺汙穢處所盡行滌濁限
日搬出交與宗氏後裔奉祀經營仍重治喬旭秀彭
韜抗違佔住之罪則不但先賢感戢於九原而

朝廷之法紀庶不為奸棍所頑抗矣除將奉批原詞遵
繳外擬合申詳為此備由具申

本府正堂加一級高公諱龍光

批如詳行繳

康熙二十二年九月二十三日知縣鮑天鍾呈
十月二十九日具呈收管蒙

批宗公宗祠以本家奉祀生管奉香火情理允
協如有欺辱暗害者許即指名呈有司拿究

此案

十一月初一日欺凌守祠具控蒙

批 祀生非係禮生何得擅差贊禮明係鬥學書

串通報害立拘學書並彭翰回話

本月十二日生員李吉馮臯等公請註銷蒙

批 本縣驅逐棍佔以清宗祠不過尊崇

先賢起見非私庇宗生也彭韜等依恃儒學必欲

抗違本縣始而佔住越申繼復混派引贊是明

欺本縣也原欲立拿重處今既據諸生公懇姑

准銷票如再借端欺凌希圖報復立拿處死

二十五年八月十五日呈

府主王公諱燕 批

宗忠簡公以宋室之名臣為後賢之芳範祠宇

巋然箕裘克紹兀蒞茲土者靡不肅然加敬所

以扶名教勵臣節也嗣後如有敢行涎佔褻越

先賢者許其後裔具稟有司重治不恕

夫禮者指其近裔具稟亦同重亦不惑

以并各姓屬百餘年同歸好也亦類行也古樂姓
巋然其來東臨以茲茲土昔燕不肅然也婚嫁
宗忠簡公以宋室之名百為好習之若鐘既宇

孫主王公韓燕 卅

二十五年八月十五日呈

肅祠案二

康熙四十五年二月初十日

丹徒縣學廩增附生員陳常李之棧等三十人合詞

呈為 御匾同頒臣忠從類懇詳配享永彰大節事

詞請京口正藍旗固山大李諱鄂鵬父原任陝西固

原遊擊李成梅公神主配享忠簡公祠情由到學

本學院 看得原任遊擊李成梅曾盡節於秦中伊

子李鄂鵬則請匾於京口蓋普天皆率 王土而公

論出於士林今據諸生合詞雖云兩請配享但陸祠

在荒烟蔓草之墟恐難經久惟宗祠附祀 聖宮賢
庶之側愈覺光昭曩以和靖配濂溪祀典確有成例
頃以敏壯配忠簡臣節實可類觀相應鐫

宸翰以並懸奉木主而祔饗者也事關敬勒

御書表彰大節甲學未敢擅便相應牒送伏乞轉詳施
行十二日到縣

本縣陳 看得已故原任遊擊李成梅忠憤殉身從
容就義侍中之血可濺常山之舌猶存欣逢

聖主省方特為忠臣褒節彼殉難於西鄙而 賜匾馴

在南徐况徙庠公地也豆籩侑享久建有宗公之祠
畱守偉人也輝映後先宜配以李公之祀且頒來

宸翰既同地而同時將祔以明禋合在左而在右事關
敬懸

御墨特表臣忠非甲職所敢擅便伏候轉詳 學憲施
行十六日到府

鎮江府學廩增附生員徐時允江佩等三十人合詞
呈為 御額褒忠懇恩詳請以隆祔享以垂永久事
詞稱亦為前由本月初十日到學

忠正堂世身 卷十二
本學耿 看得原任陝西固原遊擊李諱成梅者敏
壯公之亮節偉哉足媿古人宗忠簡公之英風久矣
式型海內今

宸章親灑同 賜匾額於金山而祔主入祠並增光於
泮水忠以配忠當並千秋之俎豆武以紹武常贍四
字之輝煌此誠國史所宜揚休而士民共為仰企者
也 卑職未敢擅便伏候轉詳 學憲批示遵行到府
府主據府縣兩儒學 縣主申呈公舉各情批仰候
轉詳繳本族風聞駭異傳集族眾哭告 祖靈於上

八日公叩

將軍爵憲馬公諱三奇 呈為勢佔專祠侵奪制典

叩 憲具 題遷匾讓祠永奉 皇恩事詞恩蒙面

諭爾等赴鎮江府具呈改詳等諭當隨具呈

府主黃公諱承茂呈為蠅可蔽日螳不當車哭叩

憲詳具 題讓祠遷匾永戴 皇恩永存祀典事切

生 祖宋忠簡公諱澤原籍義烏謫居京口生籍鄉貫

歿祀鄉賢勅與夫人合塋潤郊子姓遂為土著忠義
載於青史裡祀沿於歷朝故明正德六年監察御史

忠正堂世乘 卷十二
謝公琛申舉奏請勅建專祠於壽丘山巔地在學宮
鄉賢之靈爽易臨故宅之神魂如在嗣於崇禎九年
夢感邑侯張公文光移建尊經閣後猶前志也寸木
片瓦子孫竭力以成春露秋霜府縣次丁以祭編入
會計載在全書千禩莫更屢朝仍故伏遇

聖天子巡幸江南俯念先臣之勞勩於乙酉歲之四月
三十日寵錫

宸翰忠蓋永昭四字 特命鎮海都統蔡公敬摹勒額
各憲天公送懸奉祖祠泉壤增榮子孫叨寵同時

賜額者有固原遊擊李公死難匾額豈兩庠生徒乃
窺為竒貨可居趨炎附勢射利逐腥攘臂羣呼連名
呈請擇日送李公神主配祀祖祠漫引濂溪和靖師
承同祭之例生等式微後緒安敢仰抗兩庠而奪之
食計惟有哭告先靈捧主遷讓使固原忠魄拊祀
黷宮則兩庠好惡可以上補

明旨所未及下狗孝子之隱情而孱弱子姓亦可免於
抗違之陰禍但以 賜額出自

聖諭不敢擅動為此哭叩 憲恩俯電苦情詳請具

題移匾讓祠使得以專誠敬奉

龍章恪守祀典是先祖遭厄而不厄後裔雖死而不死

矣為此激切公懇上呈感沐 憲恩轉詳

學憲別購隙地另建祠宇我宗氏後裔得以恭奉

皇恩於萬世永守祀典於億禩也

本府黃 看得原任陝西固原遊擊李諱成梅者從
龍苗裔射虎豕聲智勇雙全爰受邊城之寄軍民並
戴忽遭伏莽之危寧殺身以成仁遂罵賊而盡節
彤庭賜謚已邀天上恩榮青史留名永著秦中烈節
廕嗣駐防于鐵甕復展孝思

御書特賜于金山重申 卹典所當建祠京口恭奉

宸章以勵戎行以彰盛事者也茲據郡縣儒學公舉
宗祠後裔呈控各等情由前來擬合據實轉請伏候
憲裁酌奪批示遵行

學院張 看得故宦李公家傳孝友世篤忠貞耿
丹誠奮是從龍之彥侃二正氣終為殉難之臣 賜
謚堪慰忠魂 題額尤為特典大節既著裡祀允宜
茲擬該府詳請前來如詳准于京口建祠轉飭該縣
奉主崇祀仍候

督二院批示繳冊結存

清復祠祀文案一

丹徒縣為懇天金批以崇祀典事據生員宗文燦呈
稱生祖忠簡公諱澤仕宋名臣功在社稷名垂史冊
勅塋京峴山枝崇祠丹徒學左制編春秋次丁恩叨
祭享一應祭品郡邑誌載可稽世錄奉祠自洪武迄
今歷代設祭奉祀承領向因寇亂軍需緊急以請
旨酌量案內暫裁春秋祭餉祭品借用今仰荷

皇恩允係聖賢祠廟欽奉 恩詔案准復舊遵行在案
茲當秋祭屆期叩鳴 府主蒙批該房查明稟覆房

查據實稟覆又蒙批仰丹徒縣預備可也但查府誌俱有開銷銀兩牲品重觔原非借用之物况誌書所載惟忠簡公祠特加羊兔菓品麵食等類焉有反將正品借用之理伏乞遵制預備承祭庶祀典克光激勸有賴等情到縣據此該卑縣查得宋宗忠簡公祠自先朝傳流於我

清定鼎以來照例以祀表其忠節向因國用浩繁祀典之額奉文裁減原編不敷是以牲品借用近奉

皇恩詔復故宗氏後裔生員宗文燦控援往例至期收

領但查制每祭例復湯猪一口計重四十觔湯羊一控計重二十觔因減數載今奉 特典應否照常給祀卑縣未敢擅便相應詳請 憲裁批示以便遵行為此備由具申

本府正堂蔣公 諱 燦 批

額編祭丁銀兩既已奉文復舊

賢祠應備祭品仰查照往例行可也繳

康熙十九年閏八月 二十 日知縣徐煒仁呈

東照十以平閩八凡二十日味釋新報二呈

賀所惠辭祭品研查照封回可也

醴醢祭丁雞兩翅日奉文書

本報五堂薛公轄製州

燕山前由其申

并卑雜未須計對計數籍籍憲禁林示以野盡計

雙信重二十餘因鄉燒燼令奉卦典觀否照常益

餘計查備武祭回對易辭一口信重四下漁幾羊一

復祀案二

丹徒縣為額憲金批以廣皇恩永光祀典事蒙

江南分守江常鎮道布政使司叅議劉批發奉祀

生員宗文燦呈詞蒙批崇祀名臣有關制典既稱

舊編全復仰丹徒縣照例查行報等因蒙此該卑縣

遵查每歲春秋二丁致祭宗忠簡公祠例備湯猪一

口淨豚四十觔湯羊一隻淨豚二十觔香帛菹醢之

類祀畢本祠後裔收領歷例相沿至今未紊今奉

恩詔欵載祀典宗文燦查舊刊郡誌開載該猪一百

一十觔羊三十觔比例陳情開詞控 憲欲照舊制
增品但向因國用浩繁錢糧屢奉議減是以各祠祭
品俱經節省近奉

皇恩文燦具詞上控仰蒙 憲批第查 宗忠簡公係

先代勅祭名臣舊誌開載惟本祠特加羊兔菓品麵
食等類相應循典加隆於各祠 卑縣查將各項祭品
照誌備祭外今酌加猪胙四十觔羊胙十觔嗣後永
例備祭在祀典不致有褻而 忠簡公之血食特異
加隆矣今奉批查理合具文詳覆懇祈 憲裁酌奪

批示以便遵守為此備由粘同原蒙批呈合行具申
江南分守江常鎮道布政使司叅議劉公 諱梅

批 如議行繳

康熙二十四年八月初三日知縣毛定周呈

康熙二十四年八月

蘇三

日味耕手安周呈

州 收請 下 辦

山南公中於常縣直亦如刺何恭蕭隆公韓蘇
州亦以刑獄中為北辦由州府恩蒙州呈合資其中

承襲奉祀文案

康熙二十五年六月初二日

提督江南等處

學政李公振裕具

題

為謹陳查汰冒濫等事本月二十四日奉

旨

該部確議具奏七月十二日 禮部

題

覆凡古聖賢嫡裔向有奉祀生者仍留衣頂奉

旨

祀本月十四日奉

依議通飭各直省遵行

丹徒縣儒學為公懇奉祀先賢以洪 殊恩以光祀

典事據本學廩增附生員陳恂張鳴臯俞枚卞長淮

等公呈前事詞稱宋忠簡公宗 諱澤字汝霖者仕建

炎東京留守贈觀文殿學士通議大夫開府儀同三

凡正堂世系 卷十二
司忠節事實載昭青史勅塋京峴山枝祀編丹徒縣誌四朝制典牲品特加於周范諸祠兩仲報虔專祠獨建於

至聖殿側岳武穆報功德院舊址尚存宋高宗御賜山坵遺塋世守蒙恩例襲守祠守墓二生奉祀有司次丁展祭對越維虔子弟入廟司籩趨蹌恐後茲有公二十一世守祠守墓祀孫宗文燦宗子上家藏誥勅手卷宋賢真蹟成林現存譜牒遺容歷世支派不紊恪遵責守修墓修祠今奉

俞旨核查先賢後裔奉祀報部伏乞俯念孤忠轉詳學憲矜允彙冊咨部承守奉祀不特發宗公數百年幽光亦足以隆

皇清祀典等情到學據此該學查看得宗忠簡公諱澤者當宋南渡時留守東京生逢國難賜塋潤郊論公忠勤所著半支宋室河山語公義憤所昭特配

孔庭俎豆專祠崇祀載在憲網特加牲牲隆於潤誌誥勅手卷贊跋成林文集遺容觀顏如在其宗文燦宗子上的係忠簡公二十一世嫡孫一守墓一守祠屢

忠正堂世系卷十二
經 前憲批給衣頂世世勿替今諸生公呈具請轉
詳咨 部 特恩出自 憲裁 卑學未敢擅便為此
備由具申

提督江南等處學政日講官起居注翰林院侍講今
陞內閣學士兼禮部侍郎李 批

據詳宗忠簡公祠墓現在城東例有

承祀宗文燦准其在祠承守繳

康熙二十六年十一月二十九日教諭史繼鱗呈

賜匾謝恩呈

宋宗忠簡公二十一世孫丹徒縣儒學奉祀生員
宗文燦呈為懇賜代題恭謝

天恩事 始祖宋東京留守贈觀文殿學士通議大夫

開府儀同三司謚忠簡 諱澤敬邀

聖天子

駐蹕金山 恩渥先臣於四月三十日特賜

宸翰忠蓋永昭四字褒揚忠節誠

聖邁唐虞 恩超萬古 生於閏四月初一日赴三岔河

行宮謝恩蒙 憲敬摹勒額擇吉本月十八日 頒

賜^生率合族後裔香案恭迎懸供忠簡公祠世奉

傳家至寶^生家世世子孫雖頂踵捐糜未足仰酬

皇恩於萬一^生草茅賤士不敢赴

闕謝恩謹率合族後裔老幼男婦於供奉

御書本日焚頂北面稽首望

闕叩頭謝恩伏乞 憲天府賜代題恭謝先世後裔

共沐 休光無疆矣

康熙四十四年九月 十九 日具

忠簡公祠圖紀

按壽丘山宋武帝微時宅基也帝即位築丹徒宮後

建慈和普照雲臺龍華諸寺宣和間忠簡公以言事

坐謫潤州居製錦坊前軍寨讀書於龍華寺之乘載


菴嘉定間部使者喬行簡即其書院為祠明正德辛

未奉勅祠於壽丘山北建坊曰表忠嘉靖初規寺址


為學以公為宋名臣獨得不廢崇禎乙亥夢感邑侯

張公文光率十九世孫德二十世孫廷章廷綸協族

捐移於學內 大成殿左為祠五楹奉像以祀



祠圖



皇清康熙二十二年奸民佔居力控清肅邑侯鮑公天
鍾屏逐勒石嚴禁碑記載誌二十四年邑侯毛公定
周奉 學憲高公檄率族重修三十四年通邑輸閏
歲房租半月鼎新縣學十九世孫一詔二十一世孫
文燦等計丁科銀重葺與邑學並新準祠之用而綜
覈其實文燦幾半之四十四年四月三十日

聖駕南狩駐蹕金山特賜

宸翰褒嘉都統蔡公毓茂承

旨勒額並恭紀立石

忠簡公墓圖紀

按公墓坐郡城東北京峴山枝宋高宗勅賜子頴同
岳忠武公扶柩與夫人陳氏合葬地也坐丙向壬汝
山為案沙渚環抱大江遠流墓前通丹徒鎮大路對
墓為陳家灣陳姓聚族於此世守松楸忠簡公享堂
在焉東有土門岡左首保安堂迤西則萬壽寺也原
賜山六十畝六分七釐二毫田四十八畝三分二釐
四毫地十四畝三分草灘十二畝五分入官民田七
畝三分宋元革命子姓散居命龍華寺僧收其租以

供歲祀明洪武中郡守劉公辰清復墓田移文義烏
取八世孫漢中公至潤守墓王景記及憲移文可攷
永樂十三年寺僧善安盜佃指揮程德因而佔塋崇
禎庚辰中丞湯公道衡重修公墓十九世孫德歷控
明清兩代經府主傅趙塗踏勘審斷始為清復
山五十三畝二分八釐一毫歸宗氏編入會計陳表
有守看佃順治十三年程復盜伐蔭木二十世孫廷
章廷綸復歷控各憲至康熙十一年合郡縉紳張
公九徵筮公重光夏公民儀蔣公寅顧公智何公金
蘭卞公士弘王公愷及兩庠親友王聞晉馮臯等力
解議息培護賢墓永不阡塋康熙二十二年韓科盜
發前朝康王定王墓以殺命抄家一案奉

昔 僂恤歷代帝王名臣先賢遺壠著該地方有司修葺
管守邑侯鮑公天鍾率祀孫文燦協族重修

墓圖

正室世系 卷十二



丹徒

陳家灣
忠簡公
享堂




入跡界

程占二塚

宗



大塚



圖紀

四十一

號址

陳字三十五號

山五畝六分五釐七毫

陳字三十六號

山十畝零七分三釐三毫

陳字三十七號

山九畝八分五釐四毫

陳字三十八號

山十二畝二分二釐九毫

陳字三十九號

山十三畝一分一釐三毫

陳字四十號



山一畝六分九釐五毫

公墓享堂圖紀

按宋嘉定間郡守俞公烈即忠簡公墓道建享堂額曰忠武歲久圯廢二十世孫廷章廷綸僉謀重建會建平二十世裔芳奮袂起捐索錢先之二十一世裔瑛亦捐緡助之於康熙十四年乙卯購居民陳君道等房一宅為正廟寢室門堂各三楹齋所廚房各二楹春秋丁祀畢羣歸是堂具三獻之禮舉墓祀飲福酒焉計地一畝三分五厘坐村向墓裔孫廷綸元豫為之記

享堂圖

忠正堂世身 卷十三



圖紀

四十三

號址

陳字四十二號

山地五分二厘

陳字四十八號

山地六分三厘

陳字五十號

山地二分

全集卷末

附錄

重修祠疏

吳永澄

修祠疏

李長科

修祠疏

附周鑣跋

張明弼

清墓田林木引

發

重修祠疏

毛定周

重刻文集引

趙聯捷

四刻集後序

彭年

五刻集後序

煥

六刻集後序

孫時偉

卷末附錄

重修祠疏

菰城

吳永澄 淵如廣文

潤之邑庠後為壽丘山上有宗忠簡公祠武宗時所
 建春秋秩在祀典傳至於今不廢豈徒令吏斯土者
 賓賓然碩爾牲牲潔爾粢盛庀爾俎豆修歲時故事
 已哉是蓋聖天子勵世磨鈍之微權借一忠簡公以
 振作人心忠義之氣於不衰也頃者荆秦滿目晝舞
 狸鼯夜嘯鳩鷓且棟壓榱崩傾圮滋甚唯公像巍然
 獨存尚有挺然不撓以一身支大厦之生氣嗟乎哉

予觀公於將亡也唯連呼過河者三一語不及家事此尚不知有身何況數百年後彈丸黑子濶區區一祠之興廢謂足寵公心乎唯是公能以一身為中原樹保障而羣如圭如璧之彥不能損其毫末為公庇風雨則情有慙慙不可居者且壽丘無其祠有其祠實以人心之忠義興之今壽丘有其祠無其祠寧以人心之無忠義廢之則公一祠之興廢實人心忠義之興廢朕兆券璽也今白羽月赤羽日十道旁午紛紛見告令得如公者一二輩滅此朝食釋宵旰憂直易易爾何至驅百萬生靈為么麼淬鋒染鏑之具耶予於茲益有感焉且以忠義倡率多士為異日報効朝廷計亦廣文之責矧公浙人也余小子切桑梓之誼而興禾黍之悲所為徘徊瞻顧而歎歎於其旁者匪朝伊夕矣敬告同志之懷忠負義堪為公之裔與徒者

修祠疏 崇禎乙亥

淮南

李長科 小有孝廉

宋靖康建炎間其抱青霜烈日之氣鬱厲而死者前
 有宗忠簡後有岳武穆予每誅忠簡出師未捷之句
 與武穆功名塵土之章相去數百年未始不楚痛入
 骨也初武穆犯法將刑公實竒為將材釋使立功贖
 罪乃武穆靈響大著西湖而忠簡既與其夫人合窆
 潤州顧反祠宇牢落靈繹未張獨壽丘數楹孤處縣
 序之後頃年以來椽崩棟折椽盡砌頽遂致我公遺
 像暴處淒風苦雨荒烟敗草之中嗟乎豈公之靈響

不及武穆抑其義魄忠魂有待而後激發也哉友人
張公亮來自金沙偶從遊屐見公祠廢址號泣而吊
之謂予之雅能好事也亟走告予予旋拉公亮周覽
徬徨寢食俱廢公亮因向予覓公本傳予於書倉勃
亂之間信手拈來揭其首章即見公傳予駭愕久之
如冷水澆背疑我公義魄忠魂下上予前也及詢故
老知予所寓旁為宗家巷乃公子孫世居噫嘻豈非
公之英爽將開適逢其會乎亟訪其後人有德廷章
廷綸者進而問焉備述家世之詳更出其真像世譜

暨朱文公陸丞相諸名賢題跋示予一披玩之起敬
起愛雖塵土漶漫而千年生氣宛然真神物也孫仲
僊氏命工裝緘成帙予復摹勒而登諸梨棗與海內
共賞之聞有携多金易此卷者三君堅拒不允廼存
留至今三君可謂不愧前人者矣嗟乎有忠臣之心
者前代忠臣如其骨肉有孝子之心者前代孝子亦
如其骨肉今祠宇荒圯香火銷沉願與同人成斯義
舉無使巋然岳廟崇美於西子湖頭令人笑京江之
好義不及餘杭也

修祠疏

金沙張明弼公亮
戶主政

古昔聖賢忠孝節義之士其與代俱逝者九尺之形也而其氣則常流行於青霞絳雲赤日白月之間善治當世者必取古昔之氣尊而降之而後聖賢忠孝節義之士始代出靈緒而為吾用於是人物天地亦藉以撐拄而不壞故夫古昔之士初無求於今人今人亦無所用於古人而聖宮賢廟孝祀忠祠皆丹碧豐隆於世不敢聽其圯豸者正以尊隆其氣使薪盡而火則傳形亡而神則著以撐拄我之人物天地此

則用氣之說也十餘年來奴寇如風中原如草無日
不蹙國百里血地千里而竟無一忠義之士發憤自
見於天下予以為此必古忠臣義士之氣烟銷火燔
歇其靈繹而後首鼠巾幗之倫作崇於代然則在今
日尊古忠義之士尤抔焚拯溺不可緩圖矣今年陽
月予同友人周爾調客京口之范公橋與縣序壽丘
山相對一日挈壺榼游焉見有屋三楹四無壁落上
無椽瓦一神像兀坐其下迫而察之旁有一碑為故
相國靳公所勒其神則宋忠簡宗公也予與爾調愀
然變色叩首於頽垣野草中因念公當靖康之際二
帝北遷宗社蒙耻時年六十九矣收拾潰叛之卒擐
甲奮戈大勝金人二十餘戰日夜請帝還都趨師渡
河疏凡二十餘上始逢伯彥之醜正繼遇潛善之媚
忠志意憤激疽發於背猶長吟杜甫出師未捷之句
連呼過河者三而歿嗚呼此豈不可以涕淚千古之
忠臣義士也哉吾知其氣雖在萬載猶當與青霞絳
雲赤日白月流行二儀間况吾郡五洲三山為公生
而羈置歿而藏骨之地吾嘗出定波門吊公墓見揚

子怒濤號天拍日恍惚有素車白馬之狀輒疑公勤
王義憤猶寄江流不意遺像徒存廟貌竟改致令忠
魂烈魄曝霜日之酷沐霰雨之殘見之而有不動心
刺骨者殆非人乎第念予不過十日之旅必得土著
英彥經營其事吾友李小有僑居此邦然其人每欲
盡天下有陰果有意義之事而一人兼為之者也亟
往覲之小有煮五淨肉飼予予告之故小有懔然顧
侍者曰溫爾醕熱爾殽以待吾兩人其先往視之梯
山以上一見則聲淚俱慘曰吾居潤久矣不知公祠

及此豈公之魂不肯入予夢哉亟呼匠慮材因議各
作一文募之同志欲搜公本傳時小有架上縹緗不
下數百軸信手拈得一青囊發其第一冊第一篇則
宗公傳也小有視予愕眙久之謂公胼胝乃若此飲
罷還寓至次日而小有已訪公後裔得公真像讀公
世譜刊公事實千年遺蹟煥然一新小有真有心人
哉適學師吳淵如至曰予登壽丘不忍正視公祠久
矣出篋中短疏亦募建公祠文也敢以告天下之願
為忠臣義士者

金沙周鑣曰予舅氏公亮與予友李小有暨予弟介生薄海之人皆以為此文章牛耳也而不知皆日以忠義名節相切磋予雖不肖饑不食邪蒿之菜倦不息無終之里盖亦吾黨誦說之功焉歲抄舅同小有從京口得宗忠簡公遺像為疏示予曰以告天下之為忠臣義士者予讀之心動念近日忠淫邪正大段溷淆請以忠簡作人心之質的而以是疏作忠簡之質的庶有身乎敬題其委且賡舅一語曰吾亦以告天下之為忠臣義士者

清墓田林木引

崇禎庚辰

二十世

發

常熟齋
烏程尹

京口定波門外五里許一望鬱然林木為忠簡公墓在京峴山之址汝山之陽坐南朝北東西以樹為界而隴限高低自分東有土門岡西有范顧二家墳再迤西則萬壽寺也墓前不數武有陳家灣陳姓聚族於此世守忠簡公松楸非伊朝夕矣恨為程揮使墳壓處於丘首僅丈餘爾踵接凌逼幾全父子位楔棹石函儼似一姓龍脉之斬所自來矣北前古松列行四株大四圍北後六株大可三圍立程姓塚前者古

栢三株最後散列古松五株大亦相等陟兆後山岡
有行人跡徑遙睇汝山為案大江遠流山外右手挾
丹徒鎮大小沙逶迤東轉江濤怒拍天際一塚窪藏
兩沙環抱山泉澗咽氣燠而清誠哉佳藏也恨為武
弁橫侵山田草場盡為割據猶幸長岡蜿蜒楸松剪
伐未罄東西大樹各有七十餘株共計二百餘他奉
曲如斗大者不足數也庚辰春雲陽湯中丞營塋母
兆於汝山之屏覽忠簡公墓櫛圯豸命工估値捐資
鼎葺石封壘壘得不委地發從虞山來憇雲陽者數

日謁中丞公述修墓顛末漫咏二詩東謝及抵京口
虔拜公墓詢族弟廷章廷綸咸云原有墓田久入他
姓版籍向年曾經張令公蒐索苦去任太速尚未歸
着嗟嗟世遠事曠居潤子姓萎蕭不振坐視其武弁
侵據從此沿傳莫可追復而一坯忠鬣于章古松猶
不亟為踏勘清查則他塚兢兢逼處居民復歲施樵
伐其不滌蕩化為牛山之濯濯者幾希矣且幸有中
丞公留心忠烈光表先塋若非乘此一時控諸當
道立碑垂永恐湮沒先忠之罪不獨在居潤子姓也

敢瀝血告

重修祠疏

康熙乙丑

香山

毛定周

中菴
邑侯

夫宇宙之所以不朽者賴忠臣義士扶持奠安之也
故其精神節義日流行於天地間如青霞絳雲赤日
白月而不可泯滅所賴當代明哲覽其史冊搜其世
乘入廟而撫几筵臨墓而挹松柏徘徊顧戀感慨歎
歎千載之下令人景仰忠肝義膽豐功偉績如

宋忠簡宗公者思公之於宋也孤忠在南渡大烈在
東京三呼渡河之英靈在天壤廟祀弗替於典固宜
然亦豈徒令吏斯土者賓賓然碩爾牲牲潔爾粢盛

庀爾俎豆修歲時故事已哉不敢聽其圮冢者正以
尊崇其氣使薪盡而火則傳形亡而神則著勵世磨
鈍之微權借一忠簡公以振作人心忠義之氣於不
衰也周自蒞茲土登京峴山拜公墓入學謁公祠見
堂宇荒圯香火銷沉思所以葺之會督學侍御史
檄至亦督修先賢祠祀也亟訪其後人有祀生文燦
者進而問焉備述家世之詳且請篆簿勸族輸修其
用意豈區區圖為公丹碧爾宇以徼神貺正以方今
人情頑鈍之秋望予表揚孤忠大節令得如青霞絳
雲赤日白月照赫耳目以振作人心積弱積昏之氣
其用意實深遠也嗟乎有忠臣之心者前代忠臣如
其骨肉有孝子之心者前代孝子亦如其骨肉今祠
宇牢落靈繹未張願賢裔孫共啓孝思互相勸勉以
勦盛舉望爾賢裔之不負為忠臣孝子後者

重刻文集引

宋至靖康後大厦將傾賴宗忠簡公一人忠義之誠感奮於上而人心響應有不難於再造者所以勤勤懇懇請乞回鑾至於疏二十四上而不自憚其煩也無何肉食者盡欲偷安卒至僅保東京而以渡河殺賊之志望之後進良可慨也嗟嗟讀史至此而不歎感歎慷慨激昂者夫豈忠義之士哉予吏朱方登峴山拜公墓入學舍禮公祠因頌公之詩讀公之書而竊窺公之取道有所自也思欲與天下共之適

學憲檄諸邑購錄忠烈遺書因進公之世孫文燦者而詢其版策文燦泫然曰先公集久失其版潤族式微梓費莫措乞為文以序之而鈐一籍以謀諸子姓之散處各地者則出入有稽而浮議不生庶幾剗有成矣予曰宗生勉乎哉爾祖於國勢阽危之日而能感動天下者誠也子欲奉揚祖烈第以誠感之則必有同志之孝子慈孫起而應之矣爾祖功烈在青史忠義在人心焉用序為予俗吏亦焉能序之哉唯欲稽出入而杜浮言則亦誠之一端而吏斯土者所不能辭也爰置簿加篆以為宗氏後賢勸

時

康熙四十三年歲在甲申春正月既望

署丹徒縣知縣事關中趙聯捷撰

此集重梓成於康熙四十五年十一月統計板
三百一十四塊字兩面文燦因年老病廢恐有
疎虞罪不可追於康熙六十年十二月對

祖憑族將宋建炎諸勳真像世譜朱文公陸忠烈
文信國諸名賢題贊真蹟十一幅并

本朝皇帝御賜宸章及 祖遺法物文燦自置宗器
一應公立交單付本房姪孫啟祥珍管

集後序 四刻

長洲 彭 年 龍池

宋宗忠簡公集舊為五卷自第一至第四卷書狀劄
子咨目疏表凡四十篇第五卷賦二篇詩十四篇續
增第六卷史傳一篇小傳贊一篇畫像贊一篇題誥
詩一篇復墓田記一篇惟前求教書宜入第五卷其
三十九篇為約兵赴援勸進高宗乞開府乞母割地
乞斬敵使乞過河乞備兩宮乞回鑾之作皆經畧興
復戡亂攘敵宗社存亡之大計惟公以忠義之志幹
濟之才發而為正大激昂之詞証援古今孤憤悲壯

真足以泣鬼神而開金石者攷之當時天下勤王之師未有一人至獨公崎嶇奔難戰勝攻取未嘗挫衄故特為敵人之所畏憚又能綏懷統御化叛逆為忠勇撫荒殘為富庶完實汴京集衆百萬一時威聲震疊遠近風動定中原還二駕可指日計也惜乎高宗畏悞偷安不克信用致公慨奮而卒遺表哀切無異尸諫故論者擬公於諸葛武侯不惟其心志之似而文章有體明白簡要得告君之誠亦似之嗚呼公真百世之偉人哉然諸作皆出於磨盾據鞍之頃則其平生著述豈止乎是耶蓋散逸者亦多矣公之出處大節俊烈英謀具見宋史本傳舊集刻於金華守江都趙公鶴得之王忠文公家歷歲既久板已湮沒今嘉靖辛亥公裔孫旦仲明氏自歙來游吳中從鄉進士胡君應軫所得是編喜曰先世遺文也敢不鋟梓以廣其傳適其族兄訓來自建平為之補輯讐校而編次則仍趙氏之舊云

集後序 五刻

十八世 煥 義鳥齋 維摩守

余祖忠簡公矢志恢復一時瀝血之槩瘁其神於金
 戈鐵馬而時抒寫於筆墨簡牘之間但公不欲以此
 傳後亦未有傳者弓冶凌遲迨乎國初會煥六世祖
 從母於金仍其氏然遺命子若孫尋更定以拘於藉
 故復不果初不孝庶幾博一第冀得請於朝又坐數
 竒竟違先命姑兩仍焉幸祖集猶遺每一披誦不覺
 涕泗之無從也屬者邑大夫溫陵張公鼓瑟之暇蒐
 伏揚潛爰得忠簡公集行之於世嗟乎世代得而閱

闕之系裔得而支離之風雨鼠蠹不得盡殘猶而啣
侵之意我祖並參列宿是有神物呵護而待於張公
之望氣者然生平未酬而直以空言見志實非祖意
也亦非張公廣祖集意也竊唯不朽論於叔孫氏而
文章德業久岐而為三又文人學士謂漢後無文唐
後無詩即言又與世岐矣然孔明噓漢於蜀而出師
二表梁甫一吟哀然百世型範伊訓周盤而下諸一
切騷人墨士不得擅其敝帚則何說也固知言不與
世岐而狗俗者岐之言不與功德岐而駢哀薄技者

岐之孔明自三代遺才其根器原與輓近別公偏師
勤王決策渡河矢心討賊與孔明同出師未捷身先
死長使英雄淚滿襟公遺憾偏安與孔明同今其集
具在漢歟唐歟宋歟不孝煥敢與知但如出師二表
一展卷而孔明鞠躬於後主狀可槩也回鑿二十四
疏一矢口而我公瀝誠於高宗忠可想也故僭為之
說曰宇宙挺異之氣麗於兩間日星河嶽麗於人德
業文章第賣賦千金徵歌三調者亦足煨煨異代而
忠烈之韻字鉢心而言飲血同作是觀然乎否余願

讀是集者會心楮墨外則踏破賀蘭之慨信與營中之魄相弔千古矣

集後序 六刻

雲陽 孫時偉 仲僊 方伯

異哉予於宗忠簡公祠祝一事得其可異者四焉宗公以忠武起家數百年後雖有崇祠罕所表見而今乃忽表見於吾友張公亮李小有兩文人而皆以歛歔憑吊之餘為慷慨奮發之事一時感悼千古猶生可異者一方兩人感悼時大聲疾呼擬各就一疏募建公祠因亟索公本傳攷信而探手羣書遽得公傳其篇其卷皆若夙置第一取次以待兩人錯愕驚顧予亦從旁憬然心悸舌喬疑有神授可異者二兩人

既得公傳初不意能得公像與公世譜及公之讚若
頌而適訪公之遺裔有德廷章廷綸三君者忽又出
其所藏敝縑卷故載公之像若譜並厥讚厥題且其
卷曾為一有力者挾厚貲購弗得而三君能以寒畯
強留之以有今日殊喜望外可異者三公在宋實官
於祥符而吾邑雲齋張父母少生長祥符嘗讀書其
祠內夙有神契今父母來吾邑二季久又相距祥符
千里餘乃忽感公於夢夢見公祥符舊祠中惋嘆咨
嗟子夜達旦甫旦而小有適持公之卷將疏公之事
於父母而又值父母於欲建新祠度址前匪後匪先
巧與夢會張父母亦憮然詫歎良久曰微公灼有神
告不及此可異者四夫是數異者豈公在天英爽急
欲競自表見哉而獨訝求公之傳應手遂得公傳不
可謂不異矣思公之譜輒得公譜慕公之像竟得公
像願得公之讚若頌旋得公讚若頌於公之裔又皆
鴻儒鉅公名手竒筆猶可謂之不異乎且既得見公
蹟於塵埃漫漶中又得感公夢於時地迢遙外恍惚
疑似若有所憑不異而能如是乎詩曰神之格思不

可度思矧可射思其公之謂歟繇是言之雖欲不敬
信公不可或玩也已若夫公之功業在社稷忠義在
人心名譽在天壤凡有臣子之誼者誰能背公而不
歎服公又何予之覆說為也故因序次公集而特表
其一時感召之奇所見有若此者藉令今日而得有
如公其人者二三輩俾建大將旗鼓號令中原折衝
樽俎其於殲逆醜滅凶狂掃蕩廓清可勝快哉度公
在天之靈陟降左右必將有以壽 天朝而康萬國
者毋徒向紙上詞間淺言食報可也

重刻忠簡公全集後

芳自乙卯歲走鎮江登京峴山展

祖忠簡公墓購祠一宅以伸水源木本之意而穆然
思我公之孤忠大烈昭著史冊不獲起公於九原而
為之執鞭先驅也竊嘗誦公之疏表狀劄雖所存百
不十一已足光昭天壤而垂不朽矣歲甲申

督學侍御景峰張公檄丹徒邑大夫購錄我公遺集
而族姪文燦發數十年校理全書毅然以為首任不
辭况瘁遍諭族人共勸授梓經始於是歲初秋迄乙

酉孟夏邀我

聖天子南狩 駐蹕金山閱縣志擊節我公之竭誠事
上致身報國恩荷

宸寵書匾額以輝公祠曰忠蓋永昭休哉

聖天子之殊恩其孰非我公靈爽所致其遺文抑亦有
待而傳乎文燦能舉公之全帙壽以棗梨傳之子孫
播之海內已不易得又何幸

龍章寵錫闕數百載而光耀專祠也耶 芳
復有壯游志今欽承 年耄老已不

殊典率族子履京江焚頂北面稽首拜

闕謝恩且得復展我公祠墓與文燦校讐公之全集不
啻左右我公而親炙芳規也誠幸甚矣哉世之閱是
集者因言見志將公之精誠朗如日星明而江河行
矣豈徒文章云爾耶

康熙乙酉歲十月郎川二十世源公支裔孫原任河
南通許縣知縣 芳 薰沐頓首撰

重刻忠簡公全集後

夫子之言盛德曰子孫保之蓋祖宗之盛德有以開其先而子孫亦必永懷明德思所以兢兢奉守繼承於勿替斯所謂相須殷也我

祖忠簡公為宋一代名臣功業文章光昭青史卓越古今後世懷忠抱義英敏特達之士感奮興起者代不乏人是亦足以仰見我祖千古忠義之氣未嘗一日不在人心當時珥筆史臣固紀其事詳且盡迨其後愈久而愈畧迄今傳書若通鑑若綱目及歷代

名臣奏議先賢言行錄亦不過撮其要旨存什一於千百爾至語言文字之繁太史氏不得盡筆之於書吁讀史君子莫不知公慕公以公為非常人亦僅得其大槩爾已則欲盡得公之生平俾讀其書而如將見之非有專書不可公集初刻遺事於宋嘉定潤州太守四明樓公昉繼刻奏疏於明洪武學士寧海方公孝孺復刻文集於正德金華守江都趙公鶴嘉靖內翰長洲文公徵明萬曆義烏令溫陟張公維樞崇禎丹徒令祥符張公文光義烏令進賢熊公人霖

聖朝則義烏令會稽王公廷曾凡八登梓然兵燹之餘簡編殘缺非復成書

文燦

惕然興感取家藏前賢綜

輯遺編旁求散軼廣蒐墜亡反覆校正以示信從惟恐訛錯以滋疑謬上自詔誥及公疏表狀劄與同朝共事諸公往復咨啓並憂憤感慨發於詩歌者備載更如歷朝名賢表揚忠烈詩文下逮我族子拜墓祠而致感興思者例附經始於庚申夏仲脫稿於辛巳初秋繕青成書文也罔非其實也信也無有於疑也適學憲檄邑父母購錄公之遺文因遍諭族

諸父兄弟潔捐授梓用垂文獻自甲申初秋迄乙酉
孟夏剖劂將半敬邀我

皇帝神聖英武重道右文特賜

宸章褒崇先烈曠世以來未有倫比 燦 竊頂沐

殊恩具請

憲序增輝集首數十年期望之志一朝得伸歷世遺
畧之文成書壽世此固水源木本所不能忘而孰非
忠簡公之忠義所涵濡浸灌於無窮也哉列卷凡十
四計板四百五十有奇綜理維予小子奉守之責實

秉費實合族協成之時康熙四十四年歲在乙酉仲
冬長至上浣七日也

二十一世守墓孫 文燦 謹叙

重刻忠簡公全集後

歲甲申京江族父斗齊氏輯

忠簡公全集成謀諸族以壽梓維漢捧而讀之感且

喜曰昔吾先君子嘗有斯志矣先子諱琬公弱

冠時拜祖忠簡公墓於京峴山誦其遺文僅得乞

回鑿疏表狀劄數十餘篇卷帙寥寥其散見於諸編

類家及賢子孫手錄而藏者亦闕然未備有餘憾焉

因思旁搜博攷必求其全以壽諸世而後快又恐魚

目混淆辨之不勝辨也淵沉石韞收之不勝收也閉

居元坐時形悼嘆語

維漢

曰古人志意不能一一告

語後人每托為文以抒其所見使非好古者集而傳

之其為蟲散鳥沒者何可勝道况我祖至性所發

忠義之文也忠義之文網維宇宙之文也其凜凜大

節見於乞回鑿諸疏表經濟智略見於勸進勤王諸

狀劄即詩文雜著靡不以孤憤之懷抒其激昂慷慨

之氣後之讀者雖柔懦之夫忠義勃發想見其矢心

天地恢復大略真可與日月爭光也

維漢

聞而識之

不敢忘今我大宗仲父以先子之志未及為而

予小子未暇舉行者一旦力為之

維漢

雖不肖敢不

勉成先志從諸父後與為校讐與為討論而樂勦

盛舉又幸欽承

聖天子巡行方岳旌表古賢名臣我忠簡公特膺

天寵褒嘉

賜額曰忠蓋永昭而文集適梓今而後公之文緘

之瑤函進獻

宸覽為金匱石室天府之藏家絃戶誦之書不與公之

忠靈同彪炳天壤而垂不朽也哉予小子不敢忘

先子素志故謹識之

二十二世建平叙公支裔孫

維漢百拜識

